

四川鹽法志

四川鹽法志卷三十六

禁令二

戶部鹽法

考成 順治初年定直省鹽課每年巡鹽御史及兼理鹽法巡撫開列屬官職名分數具奏其州縣原額並完欠細數運使及管鹽法司道彙造清冊送部察覈 康熙三年題准州縣衛所官銷引欠一分者停其陞轉二分者降俸一級三分者降俸二級四分者降職一級五分者降職二級六分者降職三級七分者降職四級皆戴罪催銷完日開復 又題准御史差滿交代離任將經徵帶徵鹽課總作十分未完不

及一分者罰俸一年一分以上降俸二級二分以上
降職一級三分以上降職二級皆留任四分以上降
職三級調用五分以上四級六分以上五級皆調用
七分以上革職廣東廣西福建四川雲南貴州兼管
鹽法巡撫鹽課初參未完一分者罰俸三月二分六
月三分九月四分一年五分降俸一級六分二級七
分降職一級八分二級九分三級十分四級皆戴罪
督催停其陞轉運提分司大使未完不及一分者停
陞罰俸六月一分罰俸一年二分降職一級三分二
級四分三級五分四級皆戴罪催徵六分以上者革
職經管鹽法司道府州縣官鹽課初參未完不及一

分者停陞一分以上降俸一級二分三分降職一級四分五分三級六分七分四級皆戴罪催徵完日開復八分以上革職署運提分司大使未完不及一分者罰俸三月一分六月二分九月三分一年四五分降職一級六七分降職二級皆調用八分以上革職署理不及一月者免議署管鹽法司道府州縣衛所官未完一二分者罰俸三月三四分六月五六分九月七八分一年九十分者降職一級調用署理不及一月者免議接徵接催官不必各作十分以本年鹽課總作十分扣算議處參後大使限一年全完分司限年半全完限內不完照州縣官地丁錢糧例處分

運使提舉限年半全完限內不完照布政司地丁錢糧例處分管鹽法州縣衛所官限一年全完限內不完原參不及一分者降職一級一二分三級三四分四級五六分五級皆調用七分以上革職兼管鹽法司道府直隸知州限年半全完限內不完原參不及一分者降職一級停其陞轉一二分降三級三四分四級五六分五級皆調用七分以上革職兼管鹽法巡撫限二年全完限內不完原參不及一分者停陞一二分者降一級三四分二級五六分三級七八分四級九十分五級皆戴罪督催凡降俸降級等官均候交代有能於離任之先將鹽課全完者卽准開復

如年限鹽課接徵接催官原參無名者接算前官總
作十分限半年全完如不完照初參分數參處 四
年題准經管鹽課官報明巡鹽御史察覈完欠方許
離任如有未完卽准其離任將御史降二級調用
十二年題准各官任內鹽課未完別案降調丁憂離
任者罰俸一年鹽池牆垣倒塌行鹽無術商販不行
或食鹽不遵舊例藉口不行鹽者皆議罰俸一年
又題准各省銷引未完八分以上者革職其戴罪督
銷者限一年銷完如未完一二分者降三級三四分
四級五六分五級皆調用七分以上革職 又題准
前官已完銷引責成後官一年內繳部如不行送部

及題報鹽引遲延或申報鹽引前後不符者該管官
罰俸巡鹽御史兼管鹽法巡撫照例議處 又題准
鹽引未經題明私自挪撥者該管官降一級調用巡
鹽御史降一級留任兼管鹽法巡撫罰俸一年或將
此縣引賣與別州縣未經申報者府廳官罰俸一年
布政使按察使罰俸六月 十四年題准巡鹽御史
鹽課未完二三分者照舊例降級仍留任兼管鹽法
巡撫參後不完應降級者皆留任督催完日開復至
接管官半年期限太迫州縣大使改限一年司道府
直隸州知州運使等官年半巡撫二年如不能完照
初參例處分署司道府州縣等官不及一月者免議

分司大使州縣等官原參不及一分年限內不完者
降一級留任再限一年催徵如再不完照所降之級
調用 十七年題准各官查出竈地升科均照查出
地丁錢糧例議敘 二十七年題准雲南土商小販
赴井支配令將行鹽各府州縣定完欠考成處分令
其領運行銷先行鹽後納課 四十五年覆准嗣後
有商人告領帑銀者坐商責令巡鹽御史等官運商
責令督撫州縣官確查行鹽地方廣狹鹽本家產厚
薄出具印結並諸商連名互結送部察覈 五十年
覆准運司交代照藩司交代之例造具冊結詳巡鹽
御史具題察覈如有遲延徇隱等弊照例題參交該

部照藩司交代之例議處至甘肅四川雲南貴州等省未設運使其管理鹽課錢糧官交代之時亦照此例其運同運判提舉等官均有催徵錢糧之責亦照州縣交代之例令該御史備具冊結呈報部科 雍正二年覆准嗣後各省直隸州督銷鹽引巡緝私鹽原係府同知經管者改歸州同原係通判兼管無州判者交與州同管理如銷引不完及巡緝私鹽不力該撫卽照例參處 六年覆准起解鹽課協餉該鹽政督撫巡鹽御史豫先移會前途督撫飭撥官弁護送交代嚴飭解官由大路挨站而行如有疎虞該管督撫卽將經過之文武官弁照例題參著落分賠儻

該督撫御史不移會督撫解官不知會地方仍潛行
小路一有疎失各官照疎防例議處其不移會之督
撫御史照簽差不慎例議處私行小路之解官照枉
道例處分所失餉銀著落解官名下追賠如不能完
卽著落原差委之上司賠補至解官欲就小道該地
方官詳報題參儘地方官聽其由小路行走者一併
題參 又議准鹽課未完經徵各官均按分數議處
而欠課商人從未有處分之例是以各商固結陋習
視欠課爲泛常嗣後未完鹽課錢糧經徵各官仍按
照分數議處外將各商名下應完錢課作爲十分未
完不及一分者責二十板未完一分者枷一月責二

十板二分者枷四十五日責二十五板三分者枷兩月責三十板四分者枷七十五日責三十五板五分者枷三月責四十板以上欠課各商題參之日扣限一月全完者免處逾限不完卽照此例枷責如能於枷限內照數全完立時釋放免責若枷限滿日仍不完納除杖責外卽將該商咨參革退所欠課項以引窩變抵未完六分者杖六十徒一年限四月全完七分者杖七十徒一年半限六月全完八分者杖八十徒二年限八月全完九分者杖九十徒二年半限十月全完十分者杖一百徒三年限一年全完以上自六分至十分皆將該商鎖禁能於限內全完革退不

許允商免其杖徒之罪儻逾限不完除將該商發配
外其名下所欠課項均著落引窩家產變抵如額徵
錢糧果能歲終如數全完令鹽政按其課項多寡量
給花紅扁額以別優劣 七年覆准兩浙各場鹽課
錢糧令場員就近設櫃徵收原封解交各縣折併是
代徵之場員非專管官可比嗣後除兼管專管各官
仍照舊例處分外其代徵場員如舊例初參未完不
及一分罰俸六月者今應免其處分一分罰俸一年
者罰俸三月二分降職一級者罰俸六月三分降職
二級者罰俸九月四分五分降職三級四級者罰俸
一年皆免其停陞催徵再舊例未完六分以上者皆

革職今未完六分應降職一級未完七分降職二級
仍令戴罪催徵至八分以上者革職再初參處分既
已改輕則原參各官亦不便仍照舊例議處嗣後代
縣催比之場員舊例原參不及一分年限內不全完
降一級留任者罰俸六月原參一分年限內不全完
降一級調用者罰俸一年原參二分三分年限內不
全完降四級五級調用者皆降一級留任再限一年
催徵如再不完照所降之級調用原參四分五分年
限內不全完革職者降一級調用至原參六分以上
年限內不全完者革職若有一場坐落兩縣者其場
員兩地未完分數合算併案議處 乾隆六年題准

各省經徵鹽課督銷鹽引催徵各官能於奏銷前催徵全完或前官並未徵解接任官於奏銷前催徵全完總以一官全完一年課引者無論正署均照地丁錢糧全完例議敘其兩浙代徵場員處分本屬減輕不便與經徵官一例議敘嗣後兩浙代徵場員全完五萬兩以上者准其議敘五萬兩以下奏銷前全完通完統計兩年合算若將兩年應徵之數徵收全完亦准其議敘通融銷售地方不准議敘正課雖完本年代銷之項未完者亦不准議敘二十九年議准湖北宜昌通判巡緝私鹽地方應准其在於宜昌鎮標派撥弁兵東湖縣派撥捕役各就本汛巡查如有

川私透越協力追捕查拏照例給賞儻有怠忽賄縱情事分別查究該管文武員弁照例詳參 四十一年議准商人領運引票在內河失水呈明地方官詳查確實結報鹽政運使鹽政印給照票飭商補運鹽斤在大江失水州縣官會同營員查勘確實限一月內通詳鹽道於州縣詳到日起限半月內覈轉鹽政印給照票飭商補運限三個月過所運岸若係殘引殘票失火失水所有遺失引票數目由營汛地方官出結鹽道加結申報督撫鹽政覈實送部仍於奏銷冊內聲明題銷至補給印票同殘引一併交部儻有奸商捏報查究治罪營汛地方官或有藉端勒索及

通同捏報一併查參分別究擬 四十三年覆准各省墮銷鹽引各官未完在四分以上者仍照舊辦理自五分至七分以上舊例降職者均改爲實降只准以軍功錢糧加級紀錄抵銷不准以融銷開復及別項加級紀錄議抵 又奏准凡有引地方將各卡責成州縣及兼管鹽務佐雜官分段管理卽以該處鹽引之銷滯數對私販之有無將該管官役分別勸懲 又覆准拏獲私鹽承審官如仍以買自不知姓名人率混具詳並不究問私鹽來歷及運往何處固賣實情卽照故縱例議處 又奏准凡私鹽要隘處所派委候補千總前往巡緝半年更換如有獲私至四

千斤以上者准其留巡一次如半年期內能緝獲大夥私鹽久慣窩頓併積算鹽斤在一萬斤以上者遇缺先應補用兵役加倍賞給如半年期內疎縱漏私數至四千斤者降一級留任四千斤以上者降一級調用一萬斤以上者革職兵役嚴行究處 四十六年奏准各省鹽務應完雜項應繳殘引如有懸欠墮積並未勒限完解者每屆五年由部彙查一次開單具奏以示清釐 又覆准鹽羨銀兩以四十六年爲始依限徵收年清年款儻有短欠將經徵官照雜項錢糧未完例議處 四十九年議准各省鹽務人員部借養廉銀兩由鹽庫按限扣解藩庫造報酌撥儻

木仟扣不足數及有事故未扣者仍由該管運司鹽道查覈已未完數目年終彙冊報部以憑稽覈 五
十一年奏准各省商人領引賣鹽後各該管鹽督撫
鹽政將鹽引截角於本年奏銷後解部繳銷如繳引
遲延除將經銷州縣送部議處外並將督銷運使鹽
道各職名一併查參分別議處 五十九年覆准各
場折價正項卽有一年一官全完若不與應徵規耗
同時奏報並有年額蠲緩分數錢糧未經照額全完
者毋庸附疏聲明議敘以昭覈實

禁例 順治元年覆准場竈照額煎鹽大使親驗按
月開報運使如有隱匿以通同治罪其商人不許濫

委雜役行鹽水程填明賣銷地方完日同引繳查不得告改或鹽引焚溺取具地方官印結查實補買十六年題准商人載鹽不論大小船均用火烙印記船頭不許濫行封捉 又議准將領衛所官弁縱兵私販該州縣官緝拏揭報參處 十七年題准鹽場設立公垣場官專司啟閉凡竈戶煎鹽均令堆貯垣中與商交易如藏私室及垣外者卽以私鹽論商人領引赴場亦在垣中買築場官驗明放行儻有私販夾帶等弊該場官役一併重處 又題准鹽船過關止納船料如有藉端盤驗額外苛求者以枉法治罪 又題准凡獲大夥私鹽必究訊窩家經紀所過地

方有無徇縱管鹽司道扶同不舉者一併參究不許以肩擔背負奇零小販塞責 又議准貧民食鹽四十斤以下者免稅四十斤以上者仍令納課 又覆准竈丁不許充當衙役 康熙七年題准州縣衛所官勒令百姓買引私派戶口銷鹽者革職司道府都司不查報巡鹽御史管鹽巡撫失於覺察照例議處 九年題准凡旗人販賣私鹽照例治罪外其主係官罰俸係平人鞭責佐領內管領驍騎校罰俸領催屯長鞭責其馬場牧人有販私鹽者領去之營總參領等皆罰俸領催等各鞭責 十五年題准各官該管界內有私煎販賣者係所管衙役革職係軍民人

等降調如旗人私煎販賣本主自行拏獲者免議
十七年題准興販私鹽文武失於緝捕者如不及十
人或十人以上不帶軍器仍照例議處十人以上帶
有軍器者專管官革職兼轄官降級留任限一年內
緝獲一半以上者還職不能緝獲者照例革職該督
撫巡鹽御史提督總兵官不題參者照徇庇例議處
若專管官一年內能獲大夥私販一次至五次者分
別議敘兼轄官亦照例議敘二十一年題准凡私
鹽經沿途官兵捕快盤獲者徇縱場官及失察官一
併議處二十七年覆准各場折課等銀令竈總分
催各竈自封投櫃如劣矜蠹役營充竈總包攬收納

照包攬州縣錢糧例治罪 二十八年議准私梟全獲沿途失察武職免議 又議准武職拏獲別汛私梟者准予議敘 又題准鹽店設立小票私畜鹽丁概行禁止有擅用者照違禁例治罪 三十年覆准十人以上帶有軍器與販私鹽本汛獲賊一半以上失察各官免其處分本汛未獲別汛全獲者亦免其處分別汛拏獲少一二人者仍照例處分 三十四年題准嗣後興販私鹽事發該管吏目典史知州知縣守備千把總等官失察一次至三次者照例議處道府直隸州副將參將遊擊等官失察一次至四次者照例議處運使運同運判鹽場大使均係專管鹽

務之員以後竈丁販賣私鹽大使失於覺察及知情者分別處分運同運判照該管州縣官例處分運使照府道例處分至關津過往回空糧船官坐船如有夾帶私鹽在船者將夾帶私鹽之人照興販私鹽例治罪管船同知通判守備千總文武官弁知情不知情分別處分 四十六年覆准私販致礙官引皆係積梟巨國所致嗣後鹽法衙門將私販之徒准其用刑考訊除正罪外其餘不得濫用刑訊 四十七年覆准私鹽之充斥皆由總商不革官自爲私各賣己鹽以圖一時之利令將總商革去違者該督撫卽行指參 雍正元年議准杜絕糧船私販將爲首旗丁

按法重處 二年議准販賣私鹽交與地方官不時嚴加查緝除奇零肩賣者不必緝拏僅有大夥私梟督撫會同將軍撥旗兵協捕其私販爲首之人與裝載私鹽之船戶拏獲一同治罪拏獲及出首之人照鹽數議敘 又議准嗣後如有積梟藉稱貧民將私鹽潛行窩囤興販貿易者令地方官弁及鹽政衙門一同稽查 又覆准令各省管鹽督撫巡鹽御史將商人每年應完錢糧務於奏銷限內照數完納如有拖欠卽將該商革退引窩別募殷實商人承領所欠錢糧著落該商家產追賠其原出結各官交該部嚴加議處如有通同徇隱以欠作完等弊於發覺之日

將該管各官一併從重治罪 六年議准拏獲私販
本犯脫逃者即將褫鹽之腳夫水手拘獲到案詳究
本犯蹤迹勒限務獲照例於私販上加治逃罪售與
之人亦照私販例治罪其腳夫水手分別懲治若大
夥與販照強盜例勒限嚴緝地方文武官弁照溺職
例議處 又議准拏獲私鹽務將人鹽數目據實詳
報如有將私鹽入已或與各役分肥不行據實詳報
並大夥拒捕之案以多報少者即將該管官弁指名
題參計贓治罪其有未經侵匿者照徇隱例處分上
司知情故縱及雖不知情未經揭參或於別處發覺
者將該上司照失察例分別議處 又題准拏獲私

鹽必詳究其買自何地賣與何人一併取具確供照
與販私鹽例治罪若買自場竈將該管場司並沿途
失察各官題參議處其不行首報之竈丁照販賣私
鹽例治罪僅承審官不究私鹽之來由草率完結亦
照例參處 又議准嗣後拏獲私鹽計其斤數之多
寡定罪名之輕重如三千斤以下者仍照例擬以杖
徒三千斤以上者卽照越境販鹽例問發邊衛充軍
乾隆元年題准六十歲以上十五歲以下及少年
之有殘疾者其婦女亦止老年而孤獨無依者許其
背負鹽四十斤易米度日如不合例之人概不許藉
端興販其稽查之法令於本縣報明驗實註冊給以

印烙腰牌木籌每日卯辰二時赴場買鹽擔賣一日止許一次並止許行陸路不許船載 又覆准沿河文武官弁凡糧船經過在於河干竭力稽查除留食鹽外其餘夾帶之鹽照私鹽例入官 二十八年議准各場商運鹽斤船戶勾通梟販盜賣爬搶等事呈報地方官詳報鹽政詳查確實准其與淹消鹽斤一例補運所失鹽斤於各犯名下追變解部充餉如商人自行串賣捏報搶竊照私鹽例從重治罪至商廝呈報地方官抑勒不行准理一經查出指名參處 二十九年覆准糧船每隻准帶食鹽四十斤至經過查驗處所將食鹽擺列船頭聽官查驗零星秤出餘

多之鹽每船不得過二三斤如有多帶入官變價充公不得以私鹽混報致滋擾累 三十四年議准州縣官拏獲私鹽概照本地官鹽價值悉令遵照定例交商一律變價入官毋任胥役領賣滋弊至拏獲牲畜價值今昔不同每等酌加銀二兩如有延挨不管以致創斃者著落州縣官照現定之中等價值賠補至車船等項務按新舊大小照依實價據實報解四十三年奏准大夥梟徒拒捕傷差之案一經審究得實將得贓包庇之兵役問擬斬候私售之竈丁及窩固之匪犯一體擬發伊犁烏魯木齊爲奴 四十六年議准四川重慶一帶入楚船隻零星食鹽仿照

巴東易食零鹽之例每船不得過十斤以上僅有任意售賣過數除買鹽越販者照例究擬外其賣給多鹽之鋪卽以通同貨賣例治罪 嘉慶五年奏准雲南各井鹽斤督飭井員查禁竈私之偷漏並嚴飭迤東之曲靖開化臨安等府文武派撥兵役於各要隘認真巡緝如有川粵私販侵越入境卽行擒拏報解儻敢懈縱嚴參究處

引自由單 順治元年定寶泉局刊鑄銅版刷印鹽引每引納紙硃銀三釐附同正課交都轉鹽運使司按年解部以供刷印 六年鑄戶部鹽引印以鈐鹽引 康熙十一年鑄戶部鹽茶銀印二顆鈐鹽茶各

引 二十八年議准場竈向無全書刊刻易知由單
易於稽覈不必造賦役全書 三十年覆准鑄戶部
山東司鹽引之印二顆鈐各鹽引 六十一年覆准
令寶泉局照舊式鑄造新版六十四塊其模糊舊版
卽交銷燬 乾隆六年題准鑄換鹽引新版六十四
塊其舊版卽繳銷 十三年定各省由單均解交戶
部以備稽查 又題准新鑄鹽引銅版四川一塊舊
版交與寶泉局銷燬 又定例各省鹽引每於歲終
各該督撫鹽政差委官役赴部請領部按其請領之
數刷印給發 五十三年題准換鑄銅版六十八塊
四川二塊舊版交寶泉局銷燬 五十八年題准換

鑄山東司鹽引銅印二顆舊印繳銷 六十年題准

換鑄兩淮長蘆山東兩浙廣東福建四川花馬小池

漳縣西河等九處銅版六十塊舊版交寶泉局銷燬

嘉慶三年題准換鑄戶部鹽茶銀印二顆山東司

鹽引銅印二顆舊印繳銷

以上見會典事例卷百八十二

正餘引票 一四川省正引視上年已銷之數請領

鹽井用廢准豁引 仍備領餘引五千道

新開鹽井即以此外照領銷竣以餘引配運

有利
繳部

四川引根 一四川鹽引行銷貴州省之貴陽安順

平越都勻思南石阡大定遵義雲南省之昭通等府

州縣四川省之西陽州石碚明正木坪瓦寺金川阿

日雜谷九姓司等各土司并黃螂雷波等處該沿邊
州縣於商運到日將部引截角挂驗另用鹽道印發
雙聯引根引紙照部引字號張數逐一填註於引根
引紙中縫大書運鹽斤數將引紙給商轉運引根同
已經截角部引申送鹽道查核繳部所給引紙由前
途照例截驗放行免其繳銷

引票奏銷 一各省引票於奏銷前全完者經督各
官照例議敘有通融代銷及現年之引雖完而代銷
之引未完者均不准議敘未完引票各按分數分別
查參 一四川省正餘引目於次年四月奏銷

按引配鹽 一四川省鹽引水引每引配鹽五千斤

陸引配鹽四百斤

行鹽地界 一商人起運有引官鹽不於例定應行

地面發賣轉於別境貨賣者照例治罪其鹽入官

內銷

州巴東興山長陽等四州縣如遇淮鹽不能接濟聽民零買川鹽不得過十斤以上亦不許轉相貨賣

一四川省鹽引行四川省湖北省宜昌府屬之鶴

峯長樂等二州縣施南府屬之恩施宣恩咸豐來鳳

利川建始等六縣

額定鹽價 一凡商人運鹽有定價者照額發賣不

准加增無定價者不得高價病民違者治罪 一四

川甘肅二省鹽價隨時長落並無定價

鹽政考成 一各省鹽課奏銷如有未完除將經徵

之運使等官照例議處外並將督徵之鹽政及兼管鹽務之督撫隨案開送職名一併議處

運鹽加耗 一四川省引鹽每正鹽一百斤加耗鹽一十五斤

額徵引課 一四川省水引每道徵銀三兩四錢五釐陸引每道徵銀二錢七分二釐四毫

額徵雜課 一四川省每年應徵鹽羨銀一十四萬餘兩

查與另徵茶羨銀二萬八千餘兩併案奏銷

徵解銀欸 一各省正餘引票每道商輸紙硃銀三釐解交部庫以供刷引紙張工食等用

課欸奏銷 一各省經徵引竈正課耗羨均於奏銷

前全完者將經徵督催各官照例議敘其有耗羨未完及引票通融代銷並現年之課雖完而帶徵之課未完者均不准議敘未完課銀各按分數分別查參
一四川省引課并課於次年四月奏銷

各省鹽政職掌 一四川鹽務四川總督管理

彙奏鹽務期限 一各省鹽務應完雜項應繳殘引如有歷久墮積並未勒限完解者每屆五年由部彙查一次開單具奏以示清釐

查較掣鹽法馬

一製鹽法馬

十六兩爲一斤工部如式鑄

造會同戶部眼同委員照依庫存祖法三面較準給發該委員領回仍取具領結存查

各官引課考成 一各省引課經銷經徵各官均令該管鹽督撫鹽政於按年奏銷時將各員引課未完分數確核造報查參其運司鹽道等官統計各屬未完併計分數一並開送職名照例議處仍俟補銷補徵足數再行開復鹽引融銷不准開復 一各省徵收鹽課正項一年一官全完其隨徵規耗並年額帶徵蠲緩錢糧未經照額全完者毋庸附疏聲明議敘其引課未完各官被參後續經奏准將引目停運統銷以及蠲緩課項者俱照例聲明改議

雜款繳引考成 一各省應徵鹽務雜款銀兩如四川之羨餘俱係限額應徵之項宜年清年款奏銷時

如有未完將經徵官均照雜項錢糧未完例議處

一各省商人領引賣鹽後各該管鹽督撫鹽政將鹽引截角於本年奏銷後解部繳銷如銷引遲延除將經銷州縣送部議處外並將督催運司鹽道各職名一併查參分別議處

攙和官鹽考成 一官鹽攙和沙土查係管鹽提舉大使縱容者照攙和漕糧運弁不行查禁例議處如止失察量減一等若知情受賄照枉法贓從重治罪官鹽著令經管官煎賠 一各省鹽斤每年開煎時管鹽官將鹽樣呈送鹽政衙門驗發鹽道收儲如分發各屬行銷有夾帶泥沙者承銷州縣呈報究參儻

明知攙和不行呈報將贖徇容隱之員一併題參
稽查遺失引票 一商人領運引票在內河失水呈
明地方官詳查確實結報鹽政運司鹽政印給照票
飭商補運鹽斤在大江失水州縣官會同營員查勘
確實限一月內通詳鹽道於州縣詳到日起限半月
內核轉鹽政印給照票飭商補運限三個月過所運
岸若係殘引殘票失火失水所有遺失引票數目由
營汛地方官出結鹽道加結申報督撫鹽政核實送
部仍於奏銷冊內聲明題銷至補給印票同殘引一
併繳部倘有奸商捏報查究治罪營汛地方官或有
藉端勒索及通同捏報一併查參分別究擬

稽查貧難販鹽

附給錢

四川省所屬之富順犍爲等

二縣貧難每名每日給制錢二十文

在於餘鹽息銀項下支給

稽查鹽船事例

一各省商運鹽斤如船戶實有句

串私梟盜賣爬搶情事准呈明地方官將船戶等查拏治罪一面詳報該鹽政核實所失鹽數補配行運失去原鹽在各犯名下勒追變價充饒若地方官於商人呈報時不予准理故行抑勒者指名題參儻查係商人串通船戶盜賣捏報搶竊者照私鹽例治罪

一四川重慶一帶入楚船隻每船准買零星食鹽不得過十斤以外儻有購買過數者即將買鹽船戶及售鹽鋪家均各照越販通同之例治罪

稽查商鹽事例 一官吏及內外權勢之人說立商

名領引行鹽侵奪民利者查參治罪追繳引票鹽斤

入官 一商人運鹽不准鹽引相離違者同私鹽法

一商人運鹽經過批驗所依數掣盤有夾帶餘鹽

者同私鹽法若私越批驗所不經掣盤者亦按律治

罪押回掣盤 一商人將官鹽攙和沙土貨賣者查

究治罪 一商人賣鹽已畢十日內不繳殘引者按

律治罪將殘引重複行鹽者同私鹽法 一商人未

完鹽課於奏銷時題參日起扣限一個月再不能完

按所欠分數治罪欠不及一分者答五欠一分者柳

號一個月欠二分者柳號一個月欠三分者柳號兩個

答五十 半杖七十 杖八十 杖九十 杖一百

欠四分者

枷號兩個月杖九十

欠五分者

枷號三個月杖一百

所欠於

枷限內全完卽予釋放免責限滿全不完納折責之

外仍革退商名所欠以引窩變抵欠至六分者

杖六十徒

一年限四個月全完欠七分者

杖七十徒一年半

限六個月全

完欠八分者

杖八十徒二年

限八個月全完欠九分者

杖九十徒

二年

限十個月全完欠十分者

杖一百徒三年

限一年全完

自欠六分至十分均將該商卽行銷禁嚴查家產限

內全完革退商名免其杖徒限外不完該商發配所

欠以引窩家產變抵

巡緝私鹽事例 一凡拏緝私鹽必人鹽並獲始准

究治若獲人不獲鹽獲鹽不獲人者不坐 一凡有

引地方將各卡責成州縣及兼管鹽務佐雜官分段
管理按照該處引鹽銷滯分別勸懲 一引地交界
處所鄰商鹽店祇准開設數處餘俱移至三十里外
以杜侵越 一凡闕津過往回空糧船如有夾帶私
鹽貨賣管船同知通判等官分別議處 一凡各省
要隘處所獲私至四千斤以上者派委候補員弁准
其留巡一次如半年期內能緝獲大夥私鹽久慣窩
頓並積算鹽斤至一萬斤以上者遇缺先行補用兵
役加倍賞給如半年期內疎縱漏私數至四千斤者
照例分別議處兵役嚴行究治 一凡拏獲私鹽數
在三百斤以上者將買自何人何地及窩頓之人訊

明確據關提審究按律懲治若審出買白場竈將該管場員並沿途失察各官一併題參竈丁按私販例治罪承審官率混詳結者並予參處 一緝私巡兵准攜帶烏槍編列字號官爲給發如無官編字號卽屬私帶俟梟販稍戢卽行停止若零星小販及大夥非持械拒捕者該巡兵混行槍斃仍照例治罪

巡緝私鹽公費 一各省緝私除專汛及鄰汛額缺員弁經管者不得另派候補人員其營汛遼闊本汛相距遙遠又無附近鄰汛可委勢須派員巡查者所派額缺千把以及經制外委准按照委弁品級並巡查地方遠近日期久暫於鹽規銀內酌給盤費銀兩

以資辦公
以上見戶部
則司鹽法門

四川鹽法志卷三十七

禁令三

兵部綠營處分例

緝私 康熙十七年題准大夥賣販私鹽至十人以上帶有軍器專汛官徇縱不拏者革職兼轄官降二級調用失察者專汛官革職留任兼轄官降二級留任皆限一年緝拏獲半卽准開復限滿不獲專汛官革任兼轄官降二級調用其本汛雖未拏獲經別汛全獲亦免議不全獲者仍照例議處 又議准官弁一年內拏獲十人以上帶有軍器大夥私鹽者一起紀錄一次二起紀錄二次三起加一級四起加二級

至五起者不論俸滿卽陞兼轄官視其所屬一年內有拏獲三起者紀錄一次六起者紀錄二次九起者加一級再有多者照此遞加 三十九年覆准私鹽拒捕能全獲者各官皆免議若夥黨眾多不能全獲或獲二三名及兵被殺傷專兼各官初參免其處分限一年緝拏限滿不獲專汛官罰俸一年兼轄官罰俸六月統轄官罰俸三月鹽犯照案緝獲 四十四年議准小夥販賣私鹽不及十人及十人以上不帶軍器者專汛官失察一次降二級二次降四級皆留任至三次者革職兼轄官一次降一級二次降二級三次降三級皆留任至四次者降三級調用 乾隆

六年議准失察小夥私鹽降級留任各官限一年緝
拏限滿無獲專汛官罰俸一年兼轄官罰俸六月各
帶所降之級再限一年緝拏限滿無獲專汛官再罰
俸一年兼轄官再罰俸六月各帶所降之級鹽犯照
案緝拏 十六年議准各省武職官弁經上司委辦
鹽務卽有緝私疏引之責遇失察大小私鹽將承辦
官照專汛例議處總辦官照兼轄例議處如拏獲大
夥私鹽照所獲起數分別議敘 二十九年奏准小
夥與販私鹽不及十人及十人以上不帶軍器者專
汛官失察一次降職一級二次降職二級三次降職
三級俱留任戴罪緝拏一年限滿無獲罰俸六月各

帶所降之級緝拏限滿不獲仍罰俸六月各帶所降之級緝拏拏獲之日俱准其開復失察四次降三級調用兼轄官失察一次罰俸一年二次降職一級三次降職二級俱留任戴罪緝拏一年限滿不獲罰俸三月各帶所降之級緝拏限滿不獲仍罰俸三月各帶所降之級緝拏拏獲之日俱准其開復失察四次降一級調用如止失察經由并無窩留販賣情事者專汛官罰俸六月又奏准鹽徒拒捕不及十人及十人以上不帶軍器致傷兵丁不能擒獲者專汛官降二級留任兼轄官降一級留任統轄官罰俸六月俱帶罪緝拏拏獲之日開復一年限滿不獲專汛官

罰俸一年兼轄官罰俸六月仍帶所降之級緝拏統轄官罰俸一年再限一年緝拏限滿不獲專兼各官俱照所降之級調用統轄官罰俸二年 又奏准興販私鹽十人以上帶有軍器失於覺察者專汛官革職留任兼轄官降二級留任俱限一年緝拏拏獲一半者准其開復不獲革職留任者革任降級留任者照所降之級調用該督撫提鎮於失察官員不行題參者照徇庇例議處 又奏准十人以上帶有軍器興販私鹽失察武職各官係本汛若已拏獲一半者免議其本汛并未拏獲被別汛全獲者專汛官仍革職留任四年無過開復兼轄官仍降二級留任三年

無過開復若別汛拏獲雖少一二人者仍照失察大夥私鹽例議處至限年緝拏之後計未獲人數拏獲一半以上者將拏獲各官原參降級革職留任之案准其開復未經拏獲各官仍照二參例議處若係別汛拏獲仍照別汛拏獲例議處 又奏准私梟黨眾十人以上帶有軍器官兵不能拏獲或獲二三名及兵被殺傷專兼各官照失察與販大夥私鹽例議處統轄官降一級留任 又奏准十人以上帶有軍器與販私鹽縱放不行擒拏者專汛官革職兼轄官降二級調用該管上司容隱不參照徇庇例議處 又奏准販私鹽梟由他處入境督兵緝拏拒捕殺傷或

當場人鹽并獲或於陳防限內拏獲過半者該地方武職免其疎防處分餘犯照案緝拏隱諱不報者照故縱鹽梟例議處不知情者照失察大夥私鹽例議處四十四年奏准私梟過境并未有在境販賣情事於犯案之時供出從何處興販向何處私賣僅止經由該處者地方武職失於查察係大夥經由專管官每起罰俸一年小夥經由專管官每起罰俸六月若經由該汛處所遇有兵役追緝鹽梟拒捕傷人除失察出境仍查取興販地方專兼職名外其失察拒捕不能協力擒拏即將經由之地方專管兼轄統轄職名開送係大夥拒捕者照大夥拒捕之例辦理係

小夥拒捕者照小夥拒捕之例辦理 又奏准大夥私鹽拒捕如於限內自行拏獲過半者專汛官降二級留任兼轄官降一級留任統轄官罰俸一年完結小夥私鹽拒捕限內自行拏獲過半專汛官降一級留任兼轄統轄官俱罰俸一年完結若犯由別汛全獲者亦照此例辦理其非自行拏獲過半者仍照本例議處 嘉慶六年奏准地方有小夥與販私鹽出境或販賣入境在十人以下者每一起專管官住俸兼轄官罰俸三月俱限一年緝拏限滿不獲專管官罰俸一年兼轄官罰俸六月再限一年緝拏如仍不獲專管官降一級留任兼轄官罰俸一年鹽犯照案

緝拏如於限內拏獲過半者免議如被他人拏獲者
仍照例酌減議處 又奏准小夥興販一案之內訊
明同時或三起四起各販各私者專管官降一級留
任兼轄官罰俸六月俱限一年緝拏限滿不獲專管
官降一級仍留任兼轄官罰俸一年再限一年緝拏
如仍不獲專管官降一級調用兼轄官降一級留任
鹽犯照案緝拏 又奏准小夥興販并未帶有軍器
臨時拒捕傷人者該地方武職不能擒拏專管各官
仍照例議處俱限一年緝拏全獲開復不能拏獲專
管官降二級兼轄官降一級仍留任 又奏准地方
有大夥興販十人以上帶有軍器興販私鹽出境及

入境販賣者該地方專管官降二級留任兼轄官降一級留任俱限一年緝拏全獲開復如限內不獲專管官降二級調用逸犯交與接任官緝拏兼轄官降一級調用逸犯交與接任官照案緝拏於限內拏獲過半者專管官減爲降一級留任兼轄官減爲罰俸一年如係他人緝獲者該管官仍照例議處 又奏准大夥私梟夥眾至十人以上帶有軍器者及二十人以上雖未帶有軍器而拒捕致傷兵役者無論案內人犯係一二起或三四起同時拒捕均以大夥拒捕論地方武職不能擒拏專管官革職留任兼轄官降二級統轄官降一級俱留任戴罪限一年緝拏全

獲開復如限內不獲革職者卽行革任降級者俱照所降之級調用逸犯交接管各官緝拏如於限內拏獲過半者專管官減爲降二級留任兼轄統轄各官俱改爲降一級留任如係他人拏獲該管官仍照例議處 又奏准地方武職遇鹽梟入境興販及有拒捕情事故爲疎縱不卽擒拏者專管官革職兼統各官均降二級調用督撫提鎮不行題參照徇庇例降三級調用 又奏准地方武職專汛官一年內拏獲過境十人以上不帶軍器小夥私梟每二起紀錄一次兼轄官一年內統計所屬拏獲小夥五起者紀錄一次十起者加一級 又奏准湖北宜昌府巡緝川

鹽凡經由要隘匯歸總要之處令該管文武員弁派撥兵役督率巡緝遇有川省私販偷越協力追捕查拏儻怠忽賄縱分別查參究辦將該管文武員弁題參 又奏准雲南省巡緝鄰境私鹽凡經由津隘匯歸總要處分設員弁酌帶兵役駐劄專司緝捕儻該管員弁緝捕玩弛者分別究參 又奏准湖北歸州巴東興山長陽等州縣民戶買食川鹽每人不得過十斤如有彙總承買并藉端轉相貨賣及別州縣民人越境影射私買者失察之地方官均照失察與販私鹽例議處 又議定民人興販私鹽失察之兼統各官尙有處分至營兵煎販私鹽情節更重失察之

該管官原創既經議以革職亦應將兼轄官議以降
一級留任統轄官議以罰俸一年 又議定官鹽承
緝盜案初參例有限期其承緝興販私鹽及販私拒
捕之案初參亦應一律酌給四月爲限至承緝官未
經限滿離任接緝官自應勒限嚴緝酌予處分以重
緝捕嗣後凡與販私鹽及販私拒捕之案接任官如
於初參限內到任接緝者一年限滿不獲罰俸一年
再限一年緝拏限滿不獲再罰俸一年鹽犯照案緝
拏如於初參限外到任接緝者一年限滿不獲罰俸
一年鹽犯照案緝拏以上見會典事例
卷四百九十八
小夥興販私鹽 一地方有小夥興販私鹽出境或

販賣入境在十人以下或小夥與販一案之內訊明
同時或三起四起各販各私者限滿不獲將專管兼
轄各官照例按限分別議處例載處分則如於出境
入境時文職將人鹽並獲毋論獲犯名數武職均予
免議交界處所此汛拏獲卽免彼汛處分彼汛拏獲
卽免此汛處分鄰境獲犯本境並未協拏者仍照例
酌減議處若出境地方僅獲私鹽而人犯無獲或僅
獲人犯而私鹽未獲均照例酌減議處其入境地方
僅獲鹽斤或只獲鹽犯酌減議處者失察出境各官
仍照例議處限緝能於限內續獲餘犯者准其酌減
議處

大夥興販私鹽 一地方有大夥興販十人以上帶有軍器興販私鹽出境及入境販賣者限滿不獲將專管兼轄各官照例按限分別議處例載處分則如例緝私門能於出境入境時拏獲者其免議酌減之處悉照小夥私鹽一律辦理

小夥私鹽拒捕 一小夥興販不及十人或十人以上並未帶有軍器臨時拒捕傷人者限滿不獲將專管兼轄統轄各官照例按限分別議處例載處分則例緝私門

如限內將拒捕凶犯拏獲免議若文職拏獲凶犯武職亦准免議交界處所此汛拏獲即免彼汛處分彼汛拏獲即免此汛處分鄰境獲犯本境並未協拏者

仿照例酌減議處若囚犯脫逃將鹽斤餘犯拏獲照例酌減議處其失察出境各官仍照小夥與販之例辦理

大夥私鹽拒捕 一大夥私梟夥眾至十人以上帶有軍器及二十人以上雖未帶有軍器而拒捕致傷兵役者無論案內人犯係一二起及三四起同時拒捕均已大夥拒捕論限滿不獲將專管兼轄統轄各官照例按限分別議處

例載處分則
例緝私門

如限內拏獲拒

捕囚犯者免議若文職拏獲囚犯武職亦准免議交界處所此汛拏獲即免彼汛處分彼汛拏獲即免此汛處分鄰境獲犯本境並未協拏者仍照例酌減議

處若囚犯脫逃將鹽斤餘犯拏獲照例酌減議處其失察出境各官仍照大夥私鹽之例辦理

接緝鹽犯 一興販私鹽及販私拒捕之案承緝官未經限滿離任者逸犯交與接任官勒限緝拏限滿不獲按其到任接緝在初參限內限外照例分別議處

例載處分則
創緝私門

私鹽經由地方 一私梟過境並未有在境販賣情事於犯案之時供出從何處興販向何處私賣僅止經由該處者地方武職並無諱飾情事實係失察者將專管官分別小夥大夥照例議處若經由地方該管各官故爲疎縱一味諱飾卽照故縱私梟隱諱不

報例議處例載處分則其經由地方該官兵等如能

實力擒捕將私梟拏獲不計名數照拏獲私鹽例按

其小夥大夥分別給予議敘若因梟犯眾多力不能

辦者准其移會鄰汛協力擒拏其有兵役因捕格受

傷者該管各官均免其議處

故縱私梟 一地方武職遇鹽梟入境與販及有拒

捕情事專管官故為疎縱不即擒拏者照例議處兼

轄統轄各官失於查察或徇庇不行揭報或已經揭

報而督撫提鎮徇庇不行題參者均各照例分別覈

議例載處分則總督巡撫交吏部議處

鹽梟過境隱諱不報 一販私鹽梟由他處入境督

兵緝拏人鹽並獲該地方武職免其失察處分仍照大夥小夥名數議敘倘在該處有拒捕情事隱諱不報者照故縱鹽梟例議處

例載處分則例緝私門

拏獲私鹽議敘 一地方武職各官一年內拏獲過境十人以上不帶軍器小夥私梟每二起紀錄一次拏獲十人以上帶有軍器大夥私梟每一起紀錄一次拏獲大夥至三起者加一級四起者加二級五起者不論俸滿卽行陞用兼轄官一年內統計所屬拏獲小夥五起者紀錄一次十起者加一級拏獲大夥三起者紀錄一次六起者加一級

巡緝私鹽 一湖北宜昌府巡緝川私凡經由要隘

匪歸總路之處令該管文武員弁派撥兵役督率巡緝遇有川省私販偷越協力追捕查拏倘怠忽賄縱分別查參究辦該管文武員弁題參

攬買川鹽 一湖北歸州巴東興山長陽等州縣民

戶買食川鹽每人不得過十斤如有彙總承買並藉端轉相貨賣及別州別縣民人越境影射私買者失察之地方官均照失察與販私鹽例議處

例載處分則例緝私

門 以上見中樞政考卷二十五

四川鹽法志卷三十八

禁令四

刑部律例

凡犯無引私鹽

凡有確貨卽是必賦之多少

者杖一百徒三年若帶

有軍器者加一等

流二千里誣指平人者加三等流三千里

拒捕者斬

監候

鹽貨車船頭匹並入官

道塗

引領秤牙人

及窩藏

鹽犯

寄頓

鹽貨

者杖九十徒二年半

受顧

挑擔馱載

者

與例所謂肩挑背負者不同

杖八十徒二年非應捕人告獲者

就將所獲私鹽給付告人充賞

同販中

有人能自首者

免罪一體給賞

若一人自犯而自首止免罪不賞仍追原贓

若鹽事發止

理見獲人鹽

如獲鹽不獲人者不追獲人不獲鹽者不坐

當該官司不許

聽展轉攀指違者官吏以故入人罪論謂如人鹽同獲止理見發有確

貨無犯人者其鹽沒官不須追究凡鹽場竈丁人等除歲辦正額鹽

外夾帶餘鹽出場及私煎鹽貨賣者同私鹽法該總管

催知情故縱及通同貨賣者與犯人同罪凡婦人

有犯私鹽若夫在家或子知情罪坐夫男其雖有夫

而遠出或有子幼弱罪坐本婦決杖一百餘罪收贖凡買食

私鹽者杖一百因而貨賣者杖一百徒三年凡守

禦官司及鹽運巡檢司巡獲私鹽即發有司歸勘原獲

各衙門不許擅問若有司官吏通同原獲各衙門脫放者

與犯人同罪受財者計贓以枉法從其罪重論凡

守禦官司及有司巡檢司設法差人於該管地面並

附場緊關去處常川巡禁私鹽若有透漏者關津把

截官及所委巡鹽人員初犯笞四十再犯笞五十三

犯杖六十

公罪

並留職役若知情故縱及容令軍兵隨

同販賣者與犯人同罪

私罪

受財者計贓以枉法從重

論其巡獲私鹽入已不解官者杖一百徒三年若裝

誣平人者加三等

杖一百流三千里

凡起運官鹽每引照

額定斤數爲一袋並帶額定耗鹽經過批驗所依

引

數掣摯秤盤

隨手取袋摯其輕重

但有夾帶餘鹽者同私鹽法

若客鹽越過批驗所不經掣摯

及引上不使

關防者杖九

十押回

送

盤驗

盡盤驗而驗之有餘鹽以夾帶論罪

凡客商販賣

引

官鹽

諸照引發盜

不許鹽

與

引相離違者同私鹽法其賣

鹽了畢十日之內不繳退引者答四十若將舊引繳不

影射鹽貨者同私鹽法 凡起運官鹽並竈戶運鹽

上倉將帶軍器及不用官船起運者同私鹽法 凡

客商將驗過有引官鹽插和沙土貨賣者杖八十 凡將

有引官鹽不於拘定應該行鹽地面發賣轉於別境犯

界貨賣者杖一百知而買食者杖六十不知者不坐

其鹽入官

附條例

一凡豪強鹽徒聚眾至十人以上撐駕大船張挂旗

號擅用兵仗響器拒敵官兵若殺傷三人以上者比

照強盜已行得財律皆斬爲首者仍梟首示衆傷二

人者爲首斬決爲從絞監候傷一人者爲首斬監候
爲從發雲貴兩廣極邊烟瘴充軍凡得賊包庇之兵
役俱擬斬監候私售之竈丁及窩頓之匪犯俱發伊
犁烏魯木齊等處爲奴其雖拒敵不曾殺傷人爲首
絞監候爲從流三千里若貧難軍民將私鹽肩挑背
負易米度日者不必禁捕

謹按此條係嘉慶六年修
併十九年道光十年復修

二十五年又修

一越境

如淮鹽越過浙
鹽地方之類

興販官司引鹽至

三千斤以上者問發附近地方充軍其客商收買餘
鹽買求掣摯至三千斤以上者亦照前例發遣掣驗
官吏受財及經過官司縱放並地方甲隣里老知而
不舉各治以罪

掣驗官吏受財依枉法經過官司里
老地方火甲依知罪人不捕隣右依

違

制

巡捕官員乘機興販至三千斤以上亦照前例

問發

須至三千斤不及三千斤在本行鹽地方雖越府省仍依本律 謹按此條嘉慶六年改定

一凡偽造鹽引印信賄囑運司吏書人等將已故

並違年商人名籍中鹽來歷填寫在引轉賣誑騙財

物爲首者依律處斬外其爲從並經紀牙行店戶運

司書吏一應知情人等但計贓滿數應流者不拘會

否支鹽出場俱發邊衛充軍

謹案此條係原例計贓滿數下應流二字雍正

三年

一各鹽運司總催名下該管鹽課納完者方

許照名填給通關若

不曾納課

總催買囑關吏並覆盤委

官

假指課已

倉指

上

固扶同作弊者俱問發近邊充

軍

謹案此條係原例

一各處鹽場無籍之徒號稱長布衫

趕船虎好漢等頂名色把持官府誑害客商犯該徒

罪以上及再犯杖罪以下者俱發近邊充軍

謹案此條係原

例咸豐二年修改

一凡兵民聚眾十人以上帶有軍器興

犯私鹽拒捕殺人及傷三人以上之案爲首並殺人之犯斬決傷人之犯斬監候未曾下手殺傷人者發近邊充軍傷二人者爲首斬下手者絞俱監候傷一人者爲首絞監候下手者實發雲貴兩廣極邊烟瘴充軍爲從俱滿流若拒捕不曾傷人者爲首實發雲貴兩廣極邊煙瘴充軍爲從滿流其雖帶有軍器不曾拒捕者爲首發近邊充軍爲從流二千里若十人以下拒捕殺人不論有無軍器爲首者斬下手者絞

俱監候不曾下手者發近邊充軍傷至二人以上者
爲首斬監候下手之人絞監候止傷一人者爲首絞
監候下手之犯杖一百流三千里其不曾下手者俱
仍照私鹽律杖一百徒三年若拒捕不曾傷人者爲
首杖一百流三千里爲從照私鹽本律擬徒其不帶
軍器不曾拒捕不分十人上下仍照私鹽律杖一百
徒三年若十人以下帶有軍器不曾拒捕者爲首照
私鹽擬徒本罪加一等律杖一百流二千里爲從杖
一百徒三年其失察文武各官交部議處有拏獲大
夥私販者交部議敘

謹案此條嘉慶六年改定十九年議准例內應發黑龍江之犯

改發雲貴兩廣極邊煙瘴充軍

一凡竈丁販賣私鹽大使失察者

革職知情者枷號一個月發落不准折贖該管上司

官俱交該部議處

謹案此條雍正五年定

一凡回空糧船如

有夾帶私鹽聞聞聞不服盤查聚至十人以上持械拒捕殺傷人及拒捕不曾殺傷人並聚眾十人以上拒捕殺傷人及不曾殺傷人者俱照兵民聚眾十人上下例分別治罪頭船旗丁頭舵人等雖無夾帶私鹽但聞聞聞者枷號兩個月發近邊充軍隨同之旗丁頭舵照爲從例枷號一個月杖一百徒三年不知情不坐賣私之人及竈丁將鹽私賣與糧船者各杖一百流二千里窩藏寄頓者杖一百徒三年其雖不聞聞聞但夾帶私鹽亦照販私加一等流二

千里兵役受賄縱放者計贓以枉法從重論未受賄者杖一百革退販私地方之專管官兼轄官及押運官並交部議處隨幫革退其雖無夾帶私鹽倚恃糧船闖關闖關者押運等官革職隨幫責三十板革退不服盤查持械傷人者押運等官革職隨幫責四十板革退倘開關各官勒索留難運官呈明督撫參處

謹案此條嘉慶六年改定

一拏獲販私鹽犯承審官務須先將

買自何人何地以及買鹽月日數目究明提集犯證並密提竈戶煎鹽火伏簿扇查審確實將賣鹽及窩頓之人均與本犯按照律例一體治罪若查審無據卽屬虛誣將本犯依律加三等治罪如承審官不能

審出誣扳者交部分別議處若審出買自場竈卽將

該管鹽場大使並沿途失察各員題參議處其不行

首報之竈丁均照販私例治罪

謹案乾隆三十二年將二十八年定例併

入改

一凡大夥興販聚眾拒捕及執持器械殺傷

巡役人等脫逃之梟徒照強盜例勒緝地方文武各

官疎縱及上司容隱不參交部議處

謹案此條乾隆五年刪改

一拏獲私鹽限四箇月完結如人鹽並獲者將所獲

鹽貨車船頭匹等項全行賞給如獲鹽而不獲人確

查鹽犯實係脫逃者以一半賞給一半充公儻有故

縱情事無論巡役兵丁受賄者計贓以枉法從重論

未受賄者杖一百革退所獲鹽貨等項一概充公不

准給賞私鹽交與本處鹽商照官鹽價值立即變價
贏馬牛驢如延挨不變以致倒斃著落該州縣官照
中等價值賠補車船等物亦照依時價據實變價報
部查覈儻有侵漁捏報情弊並逾限不行完結及不
即變價報解者將該州縣分別議處治罪
謹案此條
嘉慶十一
年改定
一鹽船在大江失風失火者查明准其裝鹽

復運儻有假捏情弊以販私律治罪
謹案此條係
雍正十年定

一除行鹽地方大夥私販嚴加緝究外其貧難小民
年六十以上十五歲以下及年雖少壯身有殘疾並
婦女年老孤獨無依者於本州縣報明驗實註冊每
日赴場買鹽四十斤挑賣只許陸路不許船裝並越

境至別處地方及一日數次出入如有違犯仍分別

治罪

謹案此條係乾隆元年遵旨定例

一巡鹽兵捕自行夾帶私

販及通同他人運販者照私鹽加一等治罪

謹案此條係乾

隆五年定

一凡收買肩販官鹽越境貨賣審明實非私

梟者除無拒捕情形仍照律例問擬外其拒捕者照

罪人拒捕律加罪二等如與販本罪應問充軍者仍

從重論如拒捕毆人至折傷以上者絞殺人者斬俱

監候為從各減一等

謹案此條係乾隆七年定

一鹽商願募巡

役如遇私梟大販即飛報營汛協同擒拏其願募巡

役不許私帶烏鎗違者照私藏軍器律治罪失察之

地方官交部照例議處

謹案此條係乾隆八年定

一凡運鹽船

戶偷竊商鹽整包售賣者照船戶行竊商民例分別首從計贓科罪各加枷號兩箇月仍盡本法刺字所賣之贓照追給主如追不足數將船變抵其押運商廝起意通同盜賣者依奴僕勾引外人同盜家長財物計贓遞加竊盜一等例治罪如非起意止通同偷賣分贓者依奴僕盜家長財物照竊盜例計贓科斷若商廝稽察不到被船戶乘機盜賣者照不應重律杖八十如押運之人或係該商親族仍分別有服無服照親屬相盜律例科斷一埠頭明知船戶不良朦混攬裝及任意扣尅水腳致船戶途間乏用盜賣商鹽者照寫船保載等行恃強代攬勒索使用擾害

客商例治罪外加枷號一箇月船戶變賄不足之賊

並令代補如無前項情弊止於保顧不實者照不應

重律杖八十

謹案此二條均係乾隆十六年定例

一販賣私鹽數至

三百斤以上及盤獲糧船夾帶訊係大夥興販均卽

究明買自何處按律治罪如不將賣鹽人姓名據實

供出者卽將該犯於應得本罪上加一等定擬若向

老幼孤獨零星收買數在三百斤以下實不能供出

賣鹽人姓名者仍以本罪科斷如承審各員有心庇

縱含混完結該管上司不行詳揭一併題參議處

一拏獲船載車裹馬馱私鹽該地方官如不按律治

罪曲爲開脫者該管上司查出卽照故出人罪律從

重參處 一引鹽淹消具報到官該地方州縣官卽會同營員查勘確實限一月內通詳鹽道該道於詳到之日起限半月內覈轉以憑飭商補運限三月內過所運口岸該鹽政仍將淹消補運鹽斤數目報部其沿途督撫及該管鹽道知府隨時查察如有州縣營員扶同商人捏報及勒索掄擱情弊卽行指名題參商人照例治罪

謹案以上三條均係乾隆三十二年定例

一凡販私

鹽徒如有賂置貨物聚點客商被官兵格傷後挾制控告者除聚眾販私殺人罪犯應死無可復加外餘依巡獲私鹽聚誣平人滿流律上加一等發附近充軍若興販本罪已至充軍復行挾制控告者於犯事

地方加枷號一個月滿日發配

道光五年續纂

一凡鹽商

願募巡役令將姓名報明運司造冊送部如因緝私

被鹽匪殺傷或殺傷鹽匪者依販私拒捕殺傷及擅

殺傷罪人各本律例分別科斷若僅止報縣有名並

未詳司造冊報部者各以凡鬪殺傷及與販私鹽本

律例從其重者論

道光五年續纂載會典事例就大清律例增入

謹案此二條不

監臨勢要中鹽

凡監臨法

官吏詭

立名及

內外權勢

之人中納錢糧

於各倉庫

請買鹽引勘合

支領官鹽貨賣

侵奪民

利者杖一百徒三年監貨入官

鹽引勘合追繳

阻壞鹽法

凡客商

赴官

中買鹽引勘合不親赴場支

鹽中途增價轉賣

以致轉賣日多中買日少且詭冒易滋因而

阻壞鹽法

者買主賣主各杖八十牙保減一等買主轉賣

轉賣價錢並人官其各行鹽鋪戶轉買本主之折賣

者不用此律歷年康熙二十八年議准鹽店小票

商店鹽丁概行禁止若仍擅用照違禁律治罪

船商匿貨附律一川省米船到夔關之時即令該

府查察除夾帶私鹽及違禁等物按律擬究外其船

隻大小悉照淮關尺寸則例抽報科稅如有別項貨

物仍照淮關舊例收納統歸正項令該管上司不時

稽察儻有縱容胥吏額外需索留難等弊及米船出

川川省地方有不肖官吏借給票稽察名色勒索稽

留者俱著該督撫指名題參從重治罪謹案此條雍正五年定乾

降五年奏准各關收稅量頭皆有權稅則例統不入
律至縱役勒索等弊不止米船一項亦不止夔關一
處無庸設立
條款謹刪

人戶虧兌課程 凡民間週歲額辦茶鹽商稅諸色

課程年終不納齊足者計不足之數以十分爲率一
分答四十每一分加一等罪止杖八十追課納官若

茶鹽運司鹽場茶局及稅務河泊所等官不行用心

催辦課程 年終比附上年課額虧欠兌缺者亦以十

分論一分答五十每一分加一等罪止杖一百所虧

課程著落追補還官若人戶已納而有隱瞞不附簿

侵欺借用者並計贓以監守自盜論附律一鹽課

錢糧不完者將經督各官照分數議處外其各商名

下應完鹽課作爲十分欠不及一分者責二十板欠一分者枷號一月責二十板欠二分者枷號一月半責二十五板欠三分者枷號兩月責三十板欠四分者枷號兩月半責三十五板欠五分者枷號三月責四十板以上欠課各商題參之日扣限一箇月全完者免處如逾限不完照此例枷責如於枷限內全完者釋放免責如枷限滿日仍全不完納除杖責外將該商咨參革退並帶徵等項俱以引窩變抵欠六分者將該商杖六十徒一年所欠課項限四箇月全完欠七分者杖七十徒一年半限六個月全完欠八分者杖八十徒二年限八箇月全完欠九分者杖九十

徒二年半限十箇月全完欠十分者杖一百徒三年
限一年全完以上自六分至十分將該商鎖禁嚴查
家產如限內全完革退商人免其杖徒儻逾限不完
卽將該商發配所欠新課帶徵等項著落引窩家產
變抵其額徵錢糧果能於歲內如數全完該御史按
其課項多寡量給花紅匾額以別優劣謹案此條舊
載鹽法律內
乾隆五年移附此律刪去一管收稅課錢糧儻有
歲內全完量給花紅等語
隱匿加倍著追如接收官不行清查上司不行轉報
題參俱著落分賠謹案此條雍正六年定一在京在外官員
眷口船隻過關除無貨物照常驗放胥吏人等毋得
任意需索外如有奸牙地棍假稱京員科道名帖或

京員子弟執持父兄名帖討關夾帶貨物希圖免稅者該管關員卽行查拏究治如該管關員不行詳查及明知瞻徇照例議處

謹按此條乾隆五年定以

參大清律例